

漢陰縣志卷之六

藝文

夫驚塵逝電之迹莫能留也託之篇章者後世猶將考信焉漢陰彈丸小邑僻處山隅而文獻幸有可徵今摭拾故老傳聞并搜剔斷碑殘簡得詩文若干附載於後庶幾存什一于千百俾夫巡行者備觀風之採游涉者興吊古之思云爾

詩

登安陽城樓

唐孟浩然

縣城南面漢江流江嶂開成南雍州才子乘春來

漢陰縣志

卷之六

十八

騁望群公暇日坐銷憂樓臺曉映青山郭羅綺晴
嬌綠水洲向夕波搖明月動更疑神女美珠遊

過昭烈廟

明何景明

提學副使

漂泊依劉計間關入蜀身中原無社稷亂世有君
臣峽路元通楚岷江不向秦空山一祠宇寂寞翠
華春

雙乳山

陳

棐

刑部郎中

山頭原是望夫身乳化雙峯狀亦真赤子方今饑
渴甚願流百道哺吾民

漢陰感抱甕漫成

傅振商

巡茶
御史

抱甕羞機事樸心托古瓦
桔槔蒞深機善抱不輕捨
誰知衆任機孤甕名可假
拙入自巧出白馬寧非馬
卽如所抱甕元氣能陶冶
天地出入機渾沌全傾瀉
無機世網墮狃猿淪荒野
正用足綱維奠鰲奇含雅
我欲扣元關誰是忘機者

霧中望鳳凰山

無人抱甕水潺湲吟漱猶
教機事閒數載遊僊饒
有興夢中行盡鳳凰山

漢陰縣志

卷之六

十九

月河觀運水筒車

陳 棐

筒車之制用竹二丈四尺者
二十四根中橫木軸以竹爲
輻分軸兩肩穿入而交其末
爲輪狀每二竹末縛一竹筒
每筒後加以竹芭乃豎木安
此車於引水急流渠上下邊
插入水面水激竹芭則車自
轉動車上邊筒傍高架木槽
接水入田間每一車灌田一
頃不煩人力可奪天巧此制
不見於他而見於漢陰其子
貢之遺智耶使丈人見之尤
必忿然而去也因書一絕桔
槔尤用人施力賢者已

防機巧多抱甕丈人若見此今時比昔更如何

遊三清觀

張大綸

策馬登登日欲斜萬山深處隱仙家柴門自有雲
來鎖流水從他泛落花

宿觀音堂

山窞深中方外家柴門靜掩閱年華數椽茅屋雲
常護一曲清溪石半遮風過花香飄丈室龍來雨
脚遍天涯止留宿信何妨久最喜恩波及黍麻

雲門瑞蓮

雲門無種產嘉蓮過客爭誇分外鮮祥瑞偶生香
散遠太華清致盛如前朱顏猶醉凌波美翠葉呈
姿捧月娟想是休徵應有兆明時好景樂豐年

琴堂產靈芝

聖主仁慈配彼蒼靈芝特產縣中堂包含和氣非
凡卉蟠結文章異衆芳功比丹砂能辟穀名齊麟
鳳表禎祥小臣職在承流未願沛皇恩到下方

雲門漫興

樂日平沙暮色連郵亭坐久興悠然臘前共喜占

三白任後俄驚又一年面面好山森古木潺潺流
水帶寒煙明時未有涓涘報空羨當年卓魯賢

鳳嶺堆螺

不向岐山引頸鳴却於漢邑作山名九苞燦爛春
花放五色光華曉日升天爲舜文呈聖瑞世隆熙
皞屬文明公堂掩映清無限相對令人逸興生

月河環帶

一灣流水曉涵天景物無邊溝望前抱綠遶原還
屈曲拖藍過縣每潺湲萬年沮洳流膏澤九夏清

漢陰縣志

卷之六

二十一

甘潤稻田兩岸柳陰通里巷不妨夜棹剡溪船

雙乳奇峯

亂雲堆裏擁雙峯相峙纍纍與乳同紅入錦屏花
簇簇青歸煙嶂草叢叢萬年特露生成意百姓寧
知鞠育功盛世忝司民社寄慙無仁政亮天工

遊乘鶴觀

邑庠

蔡鳳

兀坐茅齋欲寫懷偶尋仙觀步崔嵬黃冠道士能
爲禮留我青精飯一杯

擂鼓僊臺

邑庠

鄭氣揚

聖時

奇雲無數 長空信有蒼龍傍遠公路隔紅塵人
不到白猿天際喊秋風

宿雙乳

張光宇

都司

鄉夢驚回遠寺鍾曉星三五漢江東角聲吹落山
頭月酒力衝開陌上風長劔定知酋賊破捷書先
爲故人通况今聖主眞湯武正許元戎策上功

謝兵後重過鳳凰山

李崑

亂雲交處碧崢嶸曾記南征此處營石磴虬蟠天
際迴鐵衣魚貫日邊明頻慙橫槊非能事却信忘

漢陰縣志

卷之六

二十一

機是故情此日重經生感慨夕陽飛鴈綠蕪平

朝陽古洞

章

平

蜀遂寧人

誰將茅屋架虛空便與塵凡迥不同一枕清風流
水上數聲啼鳥半天中

書雙乳舖

無名氏

五載方回萬里身豈知蕉夢亦非眞山中得去且
歸去林下無人今有人

朝

漢陰憶熊鍾陵太史

巡茶御史

姜圖南

楚水秦山圻漢陽晴川歷歷惱人腸乘風欲逐江
濤去黃鶴樓前話短長

將巡河西夜宿漢陰有感

斷壁頽垣月在山可憐人去玉門關封侯爲憶班
司馬月自清和山自閒

朝陽古洞

宣府湯應武

誰將瓊屑砌高岡萬丈依稀剪繡裳竹葉臨風迎
日曉松花隱霧接天光江山競麗知春暖鳥雀爭
喧覺晝長讀罷卷阿思鳳德梧桐生處是朝陽

漢陰縣志

卷之六

二十二

湯邑侯去思吟

魏希徵

聞說循良重如公始不群清風光霽月紅日照浮
雲深谷鳴鷄犬荒城熟耜耘只緣
彤陛遠遺愛有詩文

朝陽洞

趙際昌

丁鑿知何歲 高更有樓溪深潮自落嵐遠曙長
留仙境虹橋峻禪關鹿洞 爲尋高士跡遙擬步
丹丘

懷

曾可行

春雨濛濛草滿除春風吾自愛吾廬高情喜頌閒
居德老眼能抄種樹書金馬昔年貧曼倩文園今
日病相如焚香燕坐心如許一任門多長者車

城隅清玩

劉瑞星

何處煙蘿引興長青郊一曲水雲鄉密將平楚藏
嬌語漫縮踈籬透曉妝萬點蒼巖生睥睨一林好
月下滄浪天然物色饒堪賞沂水歌殘滿袂香

乘鶴觀

一自丹成騎鶴去春風瑤草不知年舊時宮殿皆

塵土惟有孤松生暮煙

作令難

豫章陳翰廷

戈馬中間作令難謀民何事可從寬不知誰做催
官檄不及窮簷飢與寒

鳳山疊翠

三韓趙世震

萬疊青山以鳳名高低碧樹翠煙清一天積靄來
深谷幾處飛泉掛石磳縷縷白雲峰畔卧時時
霧嶺頭生小亭喜對南山結得仰光輝起曠情

鼓臺仙跡

山深寂寂炊煙少寺遠聲聲動暮鐘疊霧層巒
古跡千崑萬壑列仙踪空將石鼓敲明月永設高
臺聚晚風當日僊人留異景至今遺跡伴雲峰

乳峯雙峙

崔嵬並峙兩峯奇一水中分寄所思滴滴露珠哺
子燕盈盈翠黛鎖春眉雲封未許招人隱月冷猶
疑憶母慈誰謂高岡能壽世空留雙乳泣嬰兒

鶴觀碁枰

萬山煙霧碧盈盈幾處奇觀雲外生枰設峰頭迎

月色暮敲松下聽溪聲臨泉對着忘愁思倚石聯
吟樂性情仙景飄然何處去今朝野鶴守空枰

丹壁孤懸

偶步平堤望遠崧回看日色映丹從溪中春水應
無碧嶺外桃花未覺紅四野卿雲遮赤壁一輪明
月照孤峰青山一帶多奇景惟有丹崖色倍濃

月水環珠

抱城曲曲向東流瀲灩珠璣一色秋幾斛夜光傾
水部片輪冰鑑入芳洲奇峰列笏涵霄碧翠帶

環到枕幽歷盡寒暄機不息須知天地亦浮漚

隱士高踪

從來高士畏芳名寂處深山任自行隨地栽花藏
素志倚欄咏月隱幽情推窓但見煙雲渺就榻猶
聞鳥雀聲雖是丈人成古士至今遺跡見生平

送白廣文之樂城送考

桃花浪暖暫分襟領袖群英半入吟携得詩瓢香
滿座敲殘松韻碧千尋猿因客到晨啼月鶴爲君
行夜聽琴匹馬觀成多逸致江山魚鳥盡知音

漢陰縣志

卷之六

二十六

鳳山疊翠

蘭亭陳典

凭闌鳳翥燦朝輝極目山光繞翠微碧嶂逢分青
黛合銀濤長共白雲飛驚殘古栢迎風瘦剪就輕
螺帶雨肥半榻漫嫌官舍冷開軒晝坐忘機

丹壁孤懸

飛來赤壁是何年點點朱霞迤照邊獨立豈知新
歲月高騫不改舊山川白雲懶向峰頭卧紅日
宜洞口還孤掌無心千古峙滄桑幾變尚巍然

漢署坐

吟餘又見月光浮雲卧茅齋靜不流一樹梅花同
夢冷飛來香雪上簾鉤

題汪孔瀾山房

萬壑寒濤一徑斜秋雲幾片逐飛霞先生種得淵
明菊晝掩柴扉數落花

鳳山疊翠

白爾珍

層峩蒼翠聳千尋幾度青鸞入夢深風裏八音鳴
石澗谷中群鳥舞松岑日懸碧岫桐華盛露滴崇
岡竹實陰綠滿天南誰極目吹簫羽客最關心

漢陰縣志

卷之六

二十七

乳峯雙峙

叱馭人懷保赤誠雙峯道上若爲明霧蒸石髓膏
常潤露接金莖 共清天地資生原有象兒童躑
躅亦知名看來帶水襟河意不是朝雲暮雨情

卧龍盤護

彈丸阿護自年年數里平岡百雉堅恰似飛蛟蟠
雨後殊勝蹲虎嘯風前珠明不惜山光暗日照還
看頭角鮮偃息茅廬人卧月呼雲伴榻共盤旋

鼓臺仙跡

仙鼓搥殘萬籟清
臺前花雨度虛聲
松濤冷灶寒泉咽
霽色迴廊野鶴鳴
風吼猶疑留劍在
雲飛恍值煮丹行
山門相訪空猷月
却恨鈞天夢未成

朝陽古洞

王廷繡

紫氣何來映碧天
巍峩獨立曉風前
蔡傾似欲披金鑑
笏列還思漱玉泉
銷盡寒光辭晚照
得來紅日破蒼煙
攀緣莫作朱門比
也遣白雲洞口眠

卧龍盤護

關南形勢倩誰扶
此處龍盤鳳不孤
未向江天舒

健翮權從斗邑試
雄圖常呼風雨思
千里高擁雲山作
五湖一卧北門增
保障非同老驥取
長途

丹壁孤懸

西湖汪 齡

誰染丹崖障碧流
天然圖畫望中收
攀蘿欲試登山屐
鑿翠憑凌待月樓
洞口煙霞橫古色
江頭雲樹起新謳
幾翻勒馬層坡下
拾得清光豁倦眸

乳峰雙峙

突兀高峰自送迎
豈將雙乳說傾城
眉橫曉黛痴無語
鬢挽青螺覺有情
雨過淡妝添翡翠
月移清

影見輕盈要知峙立經千古借問當年誰命名

鳳凰山

于文選

無邊山色靄重重繡綴天然淡與濃
小雨潤來金粟細野花香處碧雲封
屏開萬幃鋪新錦目斷千村
隱暮鐘幾度揮毫描不就空留鳳翥粲朝容

入漢陰界有感

張峻蹟

石邑隱士

二十年前此地過顧瞻猶是舊山河
故人次第俱蟬脫獨對西風吊薜蘿

壬寅九月余山居構亭於鉄溪武進高衆偕來

訪時清秋氣爽扯余遊爲搜遺山得一岩甚
異人跡罕到故無名衆偕名焉屬予爲詩以
記之

汪毓珍

高子探奇踞石巔問山山老不知年
嶽奇古怪無人到偶來其上便成眠
細鋪蒼苔爲錦褥何以蓋之
上有天城郭俯瞰如蟻垤
倏忽脚下湧雲煙翠屏
疊嶂周帷外瑤草奇花遍
榻前人間何處可安枕
此石鼯睡怡然壁立乾坤已
从矣至今無得而稱焉
高子大呼山靈聽我將名
再爲太懸

是夜夢一老吟一絕於庭曰千秋萬歲自忘年
此日逢君豈偶然寤而忘末二語一日忽躍然
曰錫我佳名全不謝分明踏破混茫天

挽友人鄭明輔

卽聖時

斯人誰信遽淪亡搔首呼蒼果渺茫賦鳥未聞傳
誼舍記樓奚自上雲鄉鷄綿愧我乏高誼殫露何
人不斷腸寄語九原應慰甚桂蘭他日定焚黃
太懸岩和友人汪若干招隱韻 鄭聖時

蘇門長嘯響流泉曠代逸民寄野屨覆地幽篁新

漢陰縣志

卷之六

三十

照月參天老樹久忘年揮毫紙上驚雲起耽酒籬
邊傍菊眠傾倒狂吟高士句價騰更貴洛陽錢

灌臺

尹任

廓外臺空徑就荒雨餘草色自芬芳當年假使憑
棹桔千載誰傳抱甕鄉

登鳳山絕頂

層巒鼎峙插雲邊彷彿華山頂上蓮踏破芒鞋行
欲盡也應搔首問青天

鄭列女

鄭僑恭

正氣阿誰賦吾門巾幗留名完夫可謝節重女同
丘鐵骨風難偃冰心月共悠至今寒井下麟淚不
曾收

梁義老金救四栢

常永耀

誰說斯民可賤輕無知老樹也貪生三千路隔群
嬰母二十金留四弟兄入夢爲祈解網澤傾囊將
結歲寒盟惟期九棘三槐報鄉里長留高義名

過鳳山

于典

曲水層巒一徑通鳳山霞氣靄長空曉雲幾處峯

漢陰縣志

卷之六

三十一

頭卧多少新苞映遠嵩

趙父師建留雲構軒

汪澤延

雲構名亭未是文尋思此意倩誰分開窻接送東
西日掃徑迎留遠近雲客醉春園花下語琴鳴夜
館月中聞從容屈指賢侯跡遺愛他年迥出群

送汪父母

作牧誰留去後思况逢此地更難爲三千戶口分
離日五十書生送別時邑小新傳風俗好官貧久
與世情宜可憐從此秦關去只見雲門道上碑

古蹟

枳棘縱橫古蹟迷
教人何處不生悽
灌園臺廢人留甕
結駟車過雨送犁
丹幃雲封僧自住
青山僊去鳥空啼
闔城赤子多饑渴
雙乳生來面向西

夏孀婦

廿年夫棄又家貧
黃嘴兒卽白髮親
茹蘗皆傳鄰里口
承甘未許舅姑嗔
霜鬢不墜留天地
冰帶無塵泣鬼神
聞道

朝廷崇節義
吾鄉巾幗肯沉淪

漢陰縣志

卷之六

三十二

溫太孺人冰蘗頌

曾聞冰蘗苦親見
有傳人賦重田園
薄家成機杼新更
憐烽火日不作亂
離身鍊石心堪竝
霜操孰與倫

冬日宿離塵寺有感

溫上春

山色蒼茫帶落霞
突然一望感彌奢
磴危扶杖寒僵于
谷暗驚心顫鬪牙
幾處泉飛都似布
千峯雪滿盡堆花
雲裹足嗔名利
卧聽鯨音幾嘆嗟

遊龍庵

劉參

金碧時瞻終節懸峻 飛閣聳雲邊平臨松檜遲
三島低度銀潢落九天夕照影浮琪樹月曉風香
送大羅煙高丘浮甘從殘蹟草色常承玉露鮮

吊節婦尹氏

伸姑

尹伸

爲憐志節泪婆娑幾度挑燈著挽歌魂魄頓隨蝶
夢散空餘孤月照煙蘿

遊勝水寺

梁道倬

通天危磴望彌奢徒步層登開土家爲愛幽香聊
寄足白雲深鎖澗邊花

文莊子南華外篇 子貢南遊于楚反于晉過漢陰見一丈人方將爲圃畦鑿隧而入井抱甕而出澆澆然用力甚多而見功寡子貢曰有械于此一日浸百畦用力甚寡而見功多夫子不欲乎爲圃者仰而視之曰奈何曰鑿木爲機後重前輕挈水若抽數如沃湯其名爲槲爲圃者忿然作色而咲曰吾聞之吾師有機械者必有機事有機事者必有機心機心存于胸中則純白不備純白不備則神生不定神生不定者道之所不載也吾非不知羞

而不爲也子貢瞞然慚俯而不對有問爲圃者曰子奚爲者耶曰孔丘之徒也子非夫博學以擬聖於于以蓋衆獨絃哀歌以賣名聲于天下者乎汝方將忘汝神氣墮汝形骸而度幾乎而身之不能治而何暇治天下乎子往矣無乏吾事

重修縣治記

明張大綸

漢陰古縣也環縣皆山其面南鳳凰一山群峯突兀岡巒列峙屹凌霄漢間其下月河清流環抱支分岐別潺潺淙淙灌溉稻田東南通吳越荆楚西北連滇貴蜀秦宋以前屬楚原隸梁州厥後屢遭兵燹戶口消耗明初隸陝西初惟二里其居民星散在萬山中石多土少刀耕火種兼獵獸以爲食勤儉質直頗有古風成化庚寅歲四方流逋蜂屯蟻聚巡撫督憲原公請於朝編籍入新里者八其

舊在版圖者今十存一二皆各省流民習尚不一兼無厚產或有差役或罹刑憲挈家輒徙澆僞雜處古風殆盡又况深山窮谷多潛強梁事每出于不測亦難治之劇邑也越甲辰歲值饑饉舊縣廳堂倉庫俱燬於回祿丙午歲孟夏大綸來官是邑正當圯壞之秋縣廳構竹爲椽覆以蓬簞卑淺狹隘甚失觀瞻至盛夏暑雨溽蒸官民病之遂取材于山增廣基址民歡然趨事其正庭經始於是歲之陽月落成於長日以間計者三并幕廳吏房倉庫

及社學教場幾三載以次漸備廳旣成高明爽愷
朴素渾堅足以改疇昔隘陋之觀凡迎止詔赦於
斯拜賀聖節於斯相處寮案於斯臨民蒞政靡不
於斯蚤暮攸躋山光水色煙雲竹樹奇花幽鳥遠
近聞見於庭階之間亦一邑之偉觀也况值 聖
天子勵精圖治遐甌僻壤之民悉沾息澤江山草
木皆有喜氣邑民出作入息耕食鑿飲熙熙然於
不識不知之天而吾堂適成予旣掇其所以作堂
之由復效古人室成而歌之曰築室旣成面山臨

河如竹之苞如松之柯五穀蕃熟陰陽泰和群黎
樂業在在絃歌蚤暮攸躋獲福孔多

李公去思碑

教諭

碑以思名志 也人情有所感而思則心托之物
以志不怠而思心以碑者蓋不獨人思於心又
存之目存之目則其於心也曰益固碑之設其感
使然 茲所 碑者前漢陰侯李公也公天性方
正政 大體其所建置必係風教關名節垂永賴
者則修之如新飭學宮表揚節義及墾草萊闢荒
蕪之 見之疏請中所稱述不可殫紀一切沾
煦驩虞 事厭薄不爲而獨留心民瘼也邑最苦

徭役民不憚 常業以避征繕公調停參酌定爲
畫一上之當道遂爲漢南一路倡而邑人至今便
之諸逋負流移者各各歸鄉里清占田以實編戶
而邑戶口歲增焉公旣去而士民益思公不置謀
相與尸祝之又伐石爲碑豎之道左以永厥思或
謂之曰公之功在爾身爾死在爾子孫惡用是碑
爲哉且碑有盡而思無已以久存者而托之速壞
不亦惑乎雖 嘗聞之矣昔羊叔子守襄陽會立
石于峴山之巔後人有望而泣下者 傳爲峴山

墮淚碑夫叔子去今幾百歲而墮淚之名猶垂不
安知異日漢陰之石不與峴山碑爭烈也哉由
此言之碑亦不可已云公諱字號黃源中州杞縣
人登戊午科鄉薦筮仕青鄒已有遺思丁內艱後
補漢陰以萬曆庚寅歲至任凡四年而擢授成都
別駕去後四年而碑立焉

改修尊經閣敬一亭碑記 興安 卿

布政使

漢陰學治 亭原居明倫堂後基是矣第規模
稍未協矩頻年來又幾于傾頽尊經閣建自嘉靖
戊午居

文廟左旁稍次直抵儒學門內道從學門而入壁立
而峙義奚取而奚裨于文運閣建之後十數賢科
寥寥無人當事者無不扼腕痛心議修議改而經
費無從輒已其事寢久寢壞其圯狀不忍側目癸
丑冬邑侯張公來蒞此土甫下車卽惻然毅然亟

漢陰縣志

卷之六

三十九

于改修于視事之初而土木尙未遑也迄今五載
輕徭薄稅公之撫治漢邑者誠切邑是有起色矣
旋爲之極力補缺建文昌宮起魁樓築河堤恢拓
四門橋創立八蜡祠次第舉行若無留難者繼尊營

經閣于敬一亭後爲臺千尺爲閣千丈與敬一亭
之相望疊翠聯珠其一切經制總裁一心晨夕殫
力經始于是年三月迄八月告厥成焉巍然煥然
其飛采流丹 挿雲霄尊經閣也闊亮靜深壁箴
輝映者敬一亭也想公之胸中預有 畫故事不

煩民不擾規制中程而無難于語曰非常
之舉黎民懼及臻厥成天下晏如也則今日之
修祠亭是已漢庠得所瞻仰其敬以業經一以專
經弘謨高議稱雄宇內爲臣盡忠爲子盡孝俾經
常昭揭中天萬世如一日焉是所以克副張公合
建之意吾固知漢庠後之愛閣也深于甘棠遠矣
是爲記

善人橋記

項

漢中太守

善人橋者 爲善人所造故遂以善人名橋也萬曆二年秋余始入漢過所謂蒲溪街者見一夫作粥糜若干盂以食僕人竊怪之既而至紅崖下道逼仄不可行又二里許復遇斷橋不可渡曰默念曰彼夫哉彼夫哉何不移作粥者修此道與橋也悵然而去越明年余有事于金州復過此則橋窿然起矣道坦然平矣驚問其自人曰此作粥之夫所成也余曰於戲噫嘻世固有善人哉俄而善人

拜余于道左余下車答之拜進而獎之書一鄉善士四字旌其門於戲噫嘻世固有善人哉善人家不甚裕而輕財好施卽倒囊不吝也今橋與路之所費近百金一旦捐而去之如敝蓑然此豈小丈夫計錙銖營身家者所可同日語哉善人不讀書亦不聞道其素行暗合于君子類如此傳曰不踐迹亦不入於室信然矣余 題其橋曰善人且爲之記善人姓 氏名棟材豫章人僑寓下蒲溪街遂爲漢陰人

創修八廟

橋記

邑人

民

邑張公五年百務犁然振井然舉至關
窾會者兩一曰舉蜡祭以神庥一曰建堤橋以
奠民居夫邑故無八蜡廟公嘆曰蜡祭起于伊耆
氏先嗇一司嗇二農三郵表畷四貓虎五坊六水
庸七昆虫八先天而開美利後天而除戎毒惠農
植稼利賴無窮第失妥則安所萃精誠修祈報以
保養元元乎尋卜地干河西遮關之口而定夫基
輦石築臺高三尺許圍四十五步上則庀材構廟

漢陰縣志

卷之六

四十一

計四楹巍巍燿燿允足以棲神乞靈已顧稱殷禮
與恤水患並急先是邑城西迫于河居常清流恬
波無恙也時淫雨久集萬壑俱注洶湧澎湃浸割
地以橫掃民舍之受害者劇公蒿然深以河伯作
崇爲憂輒欲修堤屏害而陳事于台司咸可之遂
募工興役鑿石爲條入砂及底乃砌深三四尺高
丈餘覆築以土寬可容並首注龍岡尾蟠城基
勢蛇敢犯水怒雄濤碧虬孤河亦不
得與堤爭地矣堤頗

又

建立順橋一座石 磚

登

橋

環統夾左右掖若王帶然故名

橋曰玉帶河橋堤日月河堤詎徒壯麗改觀抑

保金湯于鞏固矣斯兩役也河工始于萬曆丙

冬至丁巳年季春完越戊午年夏舉廟工竣

孟秋末二工續成余覩而賀之曰舉蜡祭以報

庥修堤橋以奠民居公之爲民圖康靖者備

謂識機務中大窾會矣公諱啓蒙號義田北

州人丁酉鄉進士沉毅善謀崇文而重禮寧

廟堤云乎遂志諸石尙以補缺望于後之賢者

國朝 修公署記

甲 余 漢陰令履太行之巔涉黃河
之險度函谷越雲棧目擊 腸耳聞鶴嘯不禁有
鳥飛不到人彼名牽之嘆既而僕夫群相告曰漢
南將至矣余遂私喜以爲此時之荒煙蔓草忽而
爲轂擊肩摩矣今日之茅店鷄聲轉盼爲琴堂鶴
步矣及之任仰觀破頰者僅存十餘間晝則跼蹐
而居夜則懸榻以卧何異途遇之荒煙茅店始嘆
前言爲夢境耳遂解囊鳩工克其舊址葺大堂二

堂創三堂改頭門底三尺許東構卧月齋爲賓朋
譚讌地西築雲構軒憩予公餘讀史所廓箭道百
武建南北二亭爲演武托足計此外爲菜圃爲馬
廩隔以重門司鑰者非白余不開四圍設垣里許
內外始判然矣計以木大小千餘約以磚瓦三萬
零草代瓦者六十餘間積工二千捐資五百人皆
食于余而勞于彼故樂 以爲怨由是官舍告
成 之 可改觀後之視今亦猶今之
視昔何

脩域

命承乏漢陰夏六月方抵任 酷暑歷盡崎嶇是
也忽見寥寥父老拜余馬首曰此邑治也舉目縱
觀一望蕭條如同瓦礫問以城垣僉指其處云逆
藩變亂兵燹之餘繼以霖雨此地土鬆水濕間以
砂石易於崩頽兼之邇年荒歉俗敝民貧未遑修
築余不禁喟然長嘆慨想邑無城垣不惟民失憑
依即錢穀兵刑將何從利賴乎亟謀以起築之無

何一無就緒學宮草莽教化無由宣衙宇荆藁政
令無由布田野荒蕪民命無由甦持籌整理徹骨
焦勞偶於簿書之暇恍然有得因思欲舉廢墮須
阜民財欲阜民財須闢田土于是招撫流移省給
牛種三年之內民免溝壑邑有規模先與之豁荒
糧免輓運剔雜派民生遂矣次與之講鐸書課文
藝息爭風俗顛淳矣再 修黌宮設義學輯
書 矜奇特 不過
天之

樗

聖天子

各憲加意民瘼激揚吏治

稍展職業獲免隕

敢不益加鼓勵獨是城垣功浩力有未勝軍民野
處虎豹克斥于心寔有未安欲請捐告助無由欲

申請動支無項未固金湯憂思成疾念家大人爲

國推慈 悉荒殘狀傾囊遠畀余得陸續捐資壹千

陸百餘兩捐米肆百伍拾餘石鳩工運石始于丙

寅之春孟匝歲告成自此民生漸集煙火漸繁余

漢陰縣志

卷之六

四十六

心滋喜因附于志此豈炫一時耳目哉余念成功
不易時事滄桑欲使後之君子鑒余苦衷仍加修
葺繭絲是戒保障永奠云爾